

Protocol no. 12
Sezzüda da mardi, 27 marz 2012, 9.00 – 12.10

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)

Protocol

Il protocol no. 11 da la sezzüda dals mardi, 20 marz 2012 vain approvà.

73 900.402.01 Imposta fundiaria
Valur commerciala dal terrain na surfabrichà

In sia ultima sezzüda vaiva il Cussagl cumünal tut cogniziun dal parair da l'uffizi per stimas specialas a regard la valur commerciala pel terrain da fabrica na surfabrichà illas trais zonas tenor il parair e vaiva dat l'incumbenza al schef da planisaziun da preschantar illa prosma sezzüda las valurs üsitadas i'ls cumüns vaschins. Quistas valurs sun indicativas sco basa per las taxaziuns d'impostas e ston gnir fixadas mincha pêr ons danouvmaing. Il schef da planisaziun s'ha infuormà e preschainta las valurs da basa dal cumün da Scuol. La pratcha dal cumün da Scuol a regard las valurs commecialas pudess gnir surtutta ed adattada a las relaziuns dal cumün da Sent.

As basond süllas retscherchas fattas, decida il Cussagl cumünal da fixar las sequintas valurs commercialas pel terrain da fabrica na surfabrichà sco bassa per la taxaziun d'impostas:

- a. Pel terrain da fabrica na surfabrichà vain fixada la valur commerciala per la taxaziun d'impostas sül possess sco fin uossa sün fr. 300.--/m2.
- b. Per parcellas da fabrica cun transport d'utilisaziun e chi han l'oblig da far in cas da lur surfabricaziun ün plan da quartier daja üna reducziun da la valur commerciala per la taxaziun d'impostas sül possess, uschè cha quella vain fixada sün fr. 200.--/m2.
- c. Per la zona libra vain fixada la valur commerciala per la taxaziun d'impostas sül possess sco fin uossa sün fr. 50.--/m2.

Quistas valurs sun indicativas per las taxaziuns d'impostas sül possess intant cha'l terrain nu müda man e nu vain surfabrichà.

Per terrains surfabrichats as drizza l'imposta sül possess a man da la stima effectiva.

Pro müdamans vain inchaschada l'imposta da müdaman. Quella as basa sül predsch da vendita, però a partir da subit in minimum sün ün predsch da fr. 450.--/m2

74 860 PROVEDIMAINTE ELECTRIC
Infrastructura Pozzet – decisiun da credit

Per la cumprita da l'infrastructura electrica e da chanelisaziun da Pozzet es avantman ün sböz pel contrat ch'id es gnü fuormulà dal giurist cumünal dr. iur. P.A. Vital. Il schef d'infrastructura orientescha ch'el vuless amo avant la radunanza discussiunar sur da quist sböz culs respundabels da la firma Frars Buchli, Impraisa da fabrica.

Il Cussagl cumünal decida da suottametter a la radunanza dals 12avrigl 2012 il credit brüt da fr. 125'000.—per l'aquist da l'infrastructura da Pozzet.

75 942.503.01 Stabilimaint da la posta
Ulteriurs sclerimaints in connex cul stabilimaint da la Posta

Il capo orientescha cha'l cumün haja inoltrà, sco discus ill'ultima sezzüda dal Cussagl cumünal, l'offerta nouva a regard il predsch da cumprita dal stabilimaint da la Posta e cha la Posta pigliarà plü co facil posiziun lasupra i'ls prossems dis.

Implü orientescha il capo ch'el haja vulgü sclreir eir la dumonda da las entradas da fit cha'l cumün pudess calcular cun dar a fit las localitats dal plan terrain i'l stabilimaint da la Posta. Tenor ils respunsabels da la Posta nun vegnan quellas cifras però comunicadas al cumün causa cha'l fit per quellas localitats saja part integrativa da las trattativas tanter la Posta e la TESSVM. Quista resposta para ün pa particulara, impustüt in vista cha'l cumün vess vairamaing da dvantar patrun e possessur dal stabilimaint e da las localitats cha la Posta e la TESSVM vuessan tour a fit.

Sco ulteriur'incumbenzà da l'ultima sezzüda ha il capo examinà las pussibilitats per tour eventualmaing a fit a lunga dürada localitats adattadas per l'agenzia da Posta e pel büro da turissem in oters stabilimaints. Davò cha'l capo ha contactà singuls possessurs da localitats adattadas, es entrada quist eivna ün'offerta concreta illa quala vain sporta la pussibilità da tour a fit a lunga dürada e cun prüm dret da cumprita localitats chi füssan sgüra adattadas pel scoppo previs.

Il Cussagl cumünal dà al capo l'incumbenza da preschantar l'offerta entrada i'ls prossems dis als respunsabels da la TESSVM e da la società da traffic da Sent. Implü dëssan els gnir orientats eir sur da las ulteriuras trattativas amo avertas in connex cun localitats alternativas.

76 ORIENTAZIUNS

Sezzüda a regard s-chalin ot da la scoula a Scuol

Causa cha'l cumün da Scuol riva aint il stret cullas localitats e cul persunal d'instrucziun pel s-chalin ot, vain organisà üna sairada da discussiun cullas autoritats pertoccas dal consorzi da scoula pel s-chalin ot Scuol-Ftan-Tarasp. In vista a las trattativas da fusiuns vegnan invidats eir exponentes dals cumüns Ardez e Sent a quista sairada. Pel cumün da Sent pigliarà part il capo ed eventaulmaing il vicecapo o ün commember dal cussagl da scoula.

Regal da G. Honegger

Sar Gottfried Honegger, grafiker, pitur e sculptur renomnà cun ragischs famigliaras davart da sia mamma a Sent vuess regalar al cumün da Sent üna sculptura. Quist intent es gnü comunicà al Cussagl cumünal tras üna charta da sar Cla Sarott. Tenor il Cussagl cumünal vain ün simil regal da princip fich salüdà. Sur dal lö adattà per la sculptura e sur dals ulteriurs detagls dal proget as stuvev amo discussiunar. Il Cussagl cumünal decida da responder a sar Cla in quist sen.

L'actuara: